

寶鑄齋詩



寶鐵齋詩錄

以秋蕪分餉清閨居士用活翁韻作詩來謝次和

答之

先生進退與道俱下帷仍守床頭書東吳命駕憶鱸膾
南海持節還蚌珠秋風乍起蕪味腴有人蜚口芹萍如
作羹分餉同嗜客滿腹清氣流湘湖

附原唱

吳蕪俊味香色俱晨興指動喜得書偏提分贈勝

寶鐵齋詩錄

六

蔬筍怡佐菰米炊明珠春芽差弱秋葉腴一甌活
碧新茶如吾曹嗜此尙落落與君品第分江湖
功甫以同心蘭見詒作二絕句酬之

一花九瓣結同心花亦如人用意深要識幽蘭真臭味
妙香無盡在空林

烟霞經卷皆無用半偈能傳覺路方可惜世人都不解

却從心外覓浮光

來書有留取心光圓自家之句

秋日偕高芾堂董琴涵兩觀察周紫涵封君積功

堂看桂次芾堂韻

秋氣晴更佳秋容澹逾麗肩輿度西城一徑入空翠初
陽川上明遠岫林間媚置身香界中精舍近隣寺經行
認舊遊結伴入初地餞春會幾時延秋得所未看花屢
接軫把酒復聯袂勝引豈易逢逸興欣得寄喬柯何輪
困弱翰聯指臂高下位置間人力合天意妙香落塵外
寂寞甘自棄斧斤免見尋蒙莊言可味平陽托深情汪松
泉 渤海寓高致芾堂時 列坐金粟堆止觀可叅鼻董
周兩夫子懷抱同月霽不煩影待三已獲美具四撫景
時運速遊目感慨係紛紛落繁英兀兀付一醉浮榮不
滿眼養真可玩世常願同此樂何須各言志

寶鐵齋詩錄

七

有感

大星一夕墮營門

八月廿四夜
星墮于海

跋扈鯨鯢挾浪奔上將

不知司馬法孤臣無媿令公孫四賢化鶴同歸義二客
飛鳧實負恩海上建祠何日就誰能殺賊慰忠魂

小浮山人以鏡詞見示僕不能倚聲作二絕酬之

並謝寒菊古印之貺

坐對雪蕉清入骨忽逢邠老寄詞箋舊時月色頻分我
花影同叅鏡裏緣

古篆攜來玉筋痕長鬚踏雪到柴門若論居止應還贈

君是前郵我後郵

印文前郵
居士四字

湘華館圖爲黃秋士題

籍甚聲華黃子廉筆歌墨舞研爲田不嫌孤館霜華冷
近得同心寫韻仙

木落天寒湘水深瀟瀟夜雨獨沈吟怪君筆底清如許
一種秋心托素琴

此君種處便爲鄉供養雲烟卧草堂回首釣遊三泖外
舊時亭館冷斜陽

畫鐵齋詩錄

矣

用功甫題武陵君墨蘭韻二絕

秋珮飄零掩淚看春風難轉谷中寒山臆記得挑燈坐
一語分明勸罷官

十年錦瑟無窮恨十幅幽蘭自寫真林下獨遊前日地
看花不見舊時人

陳白沙嘉禾圖爲潘功甫舍人題

不寫梅枝寫稻枝

白沙號無隱居士畫梅
與众壺山人王謙齊名

贈圖正遇力

田時時功甫行
區田法

勸農冠蓋今寥落杜老空吟拾穗詩

紫雲漢石未消磨會見成周九穗禾

嘉祥縣紫雲山有
漢時瑞應圖畫石

遊倦歸耕思飽飯三吳民力近如何

蔣右卿表姪屬題尊甫蔣山文學嚴灘濯足圖遺

奇才不用世逸興凌滄洲濯足嚴灘間一洗萬古愁臨
風吐珠玉白眼煙王侯狂歌忽病廢奄忽埋荒邱令子
富文藻卓犖超庸流一官俄被放歸卧山之幽巾郎不
可作焦尾誰見收擾擾昨莫兒楚楚同蜉蝣高談表餌
術自詔終賈儔榮華不滿眼姓氏安得留不如保貞素
述作期千秋

寶鏡齋詩錄

允

壬寅人日吳棣翁招集池上艸堂詠唐牡丹卽

次原韻

洛社消搖謝事權羣花相對吐芳妍瑤臺品冠神仙侶
暖谷天廻草木年嘉會每循人日例標名遙溯李唐前
一牕晴旭添紅艷客醉忘歸坐屢遷

附原唱

栽培竟奪化工權紅艷凌寒分外妍一桁花光明
午旭十分春色占韶年天香合冠羣芳首風信探
支百卉前莫道閒榮無本性守貞甘向洛陽遷

送梁茵林中丞
予告歸闕

一船圖史載香芸安穩春帆破浪紋中外經綸堅晚節

江湖風月息勞筋歸田手訂三山志戀闕心依五色

雲身退尙闔天下計但期海徼靖妖氛

出處分明斷寸衷予歸深荷主恩隆攀轅父老

三吳集鼓棹田園兩越通館閣清才傳後起封疆重任

託羣公精神元老宜調護好慰蒼生望眼中

十卷成趣園圖為黃玉簿均題

園林清曠足徜徉解佩歸耕鬢未蒼乞畫客來同試茗

寶鐵齋詩錄

百

折花人遠尙留香婆娑風月追陶謝供養雲煙替沈唐

十笏茅齋几格淨儘容弄筆寫山光

倦鳥歸飛戀舊枝小園賦就樂清時無多林壑成高隱

自在雲山學大癡身世兩忘容嘯傲妻孥有道共栖遲

閑居常健嬌兒長佇聽清聲起鳳池

區田觀穫圖為潘舍人題

昨朝示我生穀篇今日復見區田圖重農貴粟載古訓

耕田識字非殊途舍人閉門雲作伴不羨高官樂蕭散

小試婁關數畝田屢見汀邪車載滿民胞物與推此心

惟願蒼生共飽暖黃河以北連青齊有泉可灌田可犁
惜哉沃衍變斥鹵一望白艸空悽迷用君之法行濟上
旱澇無虞獲豐穰足兵足食無惰游政本由來兼教養
從此幽燕可類推萬里提封皆沃壤

駐總督丁克州就
兵生餉山東諸郡

開稻田復溝洫見君生
穀篇及種田說片中

力田孝弟重西京我願常爲隴

畝民本是峭華舊隱吏與君山下看春耕

其辭題潘舍人

會沂

西湖秋柳詩畫卷

幾枝疎影抱回塘湖水湖煙蕩冷光攀盡長條人獨立

段家橋上月如霜

寶鐵齋詩錄

直

小舫何人載管絃南朝金粉化秋煙扣舷獨唱淡寒柳
呼起山中白石仙

月細風尖絕妙詞河陽才調冠當時而今綺語消磨盡

一味歸真作導師

自香山丙舍偕小舫姪至迂里訪李芝畦甥同游

司徒廟石樓石壁諸勝遣宿芝畦齋中得詩七

夜半風力定晨起日色晶

乘輿詣所親肩輿及春曉同

游攜阿咸一徑度香窠麥瀧見飛雉花塢聽啼鳥行行

至光福孤塔出林表

迂里路紆曲隱者宜卜隣李甥結新構解組辭風塵入
門欣踐約一笑皆生春飯我魚稻美感子情意真果腹
復縱游到處娛心神

司徒著靈異千載崇廟貌古柏黛色濃陰森日隱耀月
黑神鬼驚風來龍虎嘯客游從蜀歸萬里恣吟眺試問
鄧侯祠何如葛公廟

白梅花半落紅杏枝交互小憩菖蒲潭羣芳不知數村
農藝玉田厚穫供薄賦終歲不出山自足衣食具桃源

寶鐵齋詩錄

三

渺何許吾將此中住

石壁最幽峭陡上梅花林長風吹浩浩湖色千里深
山結茆處地僻無古今風篁戛清籟時和鐘梵音面壁
作止觀一證菩提心

歸途登石樓竹徑度寒碧振衣萬峰臺風帆辨咫尺山
腰積空翠花影間層白野衲歸負薪供客茶味潔微風
日暮起滿身落香雪

出林不五里蒼然瞑色至役夫與我歸捷疾如着翅三
不
解飢餉一榻妥位置既慰契濶情復遂游覽志此身

仍在山佳趣入夢寐

顧文學

沈

辟疆小築

端居仰屋梁何地可游目欲訪武陵源言尋辟疆築橋

東結新構甫里緬遺躡入門靄雲煙穿徑歷花竹高臺

得月先靜館如蘭馥無邪凜箴規不滿戒顛覆

得月先如蘭館

思無邪不滿亭皆園中勝蹟

顧名厲夕惕選勝別流俗濬池蕩塵氛

積書供玩讀彙罷集夏商奇文採岳瀆春秋奉板輿花

下任信宿娛親補笙詩邀客訂碑錄流風希晉賢好事

勝金粟一邱可養志三公不易樂買山我未能結隣君

寶鐵齋詩錄

五

許卜白雲妙無盡詩意足三復

太夫人養堂額曰白雲深處

通濟庵晤覺阿上人時呪筍龕落成

一春擾擾困塵俗如蠶在繭道縛束看花有約不能踐

山靈笑人何局促今朝薄陰不成雨寒食佳辰縱游目

扁舟直渡西津橋一笑入門成不速贊公攜手導我游

精舍靜深若巖谷遙山近水相映帶曲徑斜橋稱幽獨

梅花五百抵膏腴生計年年衣食足奉佛方知地位尊

娛親更得天倫樂我來不見羅浮仙殘雪枝頭尙餘馥

天桃濃李次第開一溪回抱春波綠種竹先成五畝園

誅茆新闢三間屋，駢頭稚子乍出土。款客雲堂飯香玉，不須更誦雙井詩。笑我胸中已成竹，拂衣告歸有餘戀。後會竟須留信宿，掃除一榻容嘯傲。鱗鱗林中助耕廩。

吾與庵

黃巖人留壘容晏自前

石澗寒流曲徑通，見山樓在碧陰中。一林梅葉成新綠，

幾樹桃花似舊紅。鶴化寥天雲路遠，舊蓄一鶴新化去魚游春

沼鏡波空。十年前記聯吟地，松竹凄然憶長公。嘉慶丙子春隨

仲兄游宿于此

無隱庵

寶鐵齋詩錄

高

春晴天假綠地勝，吾無隱入門人迹稀。應客僧貌謹履

公，舊道場路接上沙。近二士時往來晤對話，幽憤履中長老

與徐高士俟齋厚善庵額徐筆也

高風一以激，千古隔塵坳。寒泉清可

酌，密竹淨如披。振衣上崇岡，石氣益道緊。老樹不籍土

根瘦，盤曲蚬飛雲。度危樓邀月徹，虛楮山深風力寒。小

憩，卽回軫異境難久留。塵容還自哂。

次小浮見贈韻

蘇春韻地鐵林中

闔門誰得似君閒，夢境分明出世間。笑與重陽話仙蹟

萬梅花擁穆陵關。

蘇春韻地鐵林中

附原唱

濟南名士羨君閒家在梅花水石間不是小浮會
一夢更無人道穆陵關

吳棟翁招飯息園

武肅行祠竹樹深入門濃綠晝惜惜廚開櫻筍嘗新味
家近園廬聚素心一色藥欄分酒態半窗松韻助琴音

清遊自得林泉致不用楊枝伴醉吟

今年禁士
女遊園

雙燕篇爲張烈婦賦

烈婦氏嚴災縣人父清泰官兵部司務婦適同

寶鐵齋詩錄

臺

里之賈于京者曰張鉦鉦一日以事往三河婦

與子官兒獨居舊傭張入素與媪通恐事洩欲

并汚婦深夜媪啟闔納入入婦室持刀恐嚇之

不從先殺兒婦伴爲好語醉以酒卽以所持刀

殺之并殺媪待鉦歸詣官自首刑部鞫實按律

得勿問遂釋婦婦年三十同里吳舍人

嘉注
傳

其事余嘉其智勇作詩美焉

雙燕棲書梁呢喃百花裏雄飛出求食雌伏慎容止何
來大嘴烏欲占巢居美鳩鳥助其惡孤雌將焉恃爪距

披利刃巢破卵亦毀頤頡自有偶立身肯忍耻臨危出奇變智勇方寸起好語以計給彼凶幸帖耳殺烏并殺鳩貞潔全素履如何婉弱質激烈乃能爾當其奮迅時一心知有死倉卒竟獲全人事合天理奇節驚市朝榮名耀鄉里雙飛復雙宿雛長心益喜羣雄徒紛紛不如此燕子

吳江翁文學 大年 小影

翁君妮古學抱道守蓬蓽家有老靈光

謂尊甫海邨丈

過庭承

典則浮榮不挂眼異書堪過日蒼雅溯原委斯籀分點

寶鐵齋詩錄

莫

畫餘事及摹印樸雅美無匹高臥吳江濱清景取自適圖中惟卷軸左右供採獲此境誰與同古今留片席不顧晚芳夫人臨董文敏丹臺春曉圖

文敏不可作墨妙空塵氛丹臺照今古曉氣誰與分西河有賢儷摹之白練裙秀色奪朝旭蒼雅卓不羣惜哉返瑤圃蕙歎傷芝林丹光不可接春氣空烟熅幸留三尺素能作千年芬持此慰寂寞如對雲中君

弔陳忠愍公

江南提督陳化成號連峯閩之同安人道光二十二年夷匪破吳淞口中

敬而

扼要吳淞口軍威振百城臥薪臣節苦飲血士心傾孤
掌能無憾全軀愧爾生萬民齊感泣功業敗垂成
錢礮礮礮擊輪舟拉雜焚廉頗經百戰韋瓘奮孤軍獨
立身無倚臨危志不分家家留畫像英氣懾妖氛
一士能藏碧風雲護葦塘裹尸無片草壯膽有奇方義
激偏裨死名垂奕世芳舉頭生氣在還作大星芒

大節完臣分捐軀感

聖衷建祠許兩地揮淚悼孤

忠路祭懷諸葛哀歌弔義公千秋長不死湖海氣如虹

弔楊典史

上海典史楊慶恩浙之山陰人城陷後投黃浦江死

寶鐵齋詩錄

瓦

關西名節歎無雙一尉能將正氣扛垂象小星明貫索

貫索星

見機上將捲旌幢衙官竟遂沈淵志壯士常懷

灑血腔文武盡如公等烈逆氛何敢近長江

壽董琴涵觀祭七十

官高節易改才大世所忌名德能兩全惟公無俗累早

歲富文史不爲溫飽計一畫搏扶搖健謫摩天際卓哉

玉堂仙舉止異俗吏出守萬里遙教養一身寄化俗類

文翁滇南勞撫字

風聲樹威德愛民真若子九重燭其賢倚之同臂

指雷瓊懸海外民頑不知恥下車振文教弦歌從此始
仕優不廢學政美本經史此鄉寶玉多臣心清于水順
流急回帆人生貴知止不見同學翁白頭戀金紫

小園傍樂園歸來一灑掃舊時手種花更覺顏色好開
徑結吟侶下帷寫新稿同社多耆齡相看未衰老憶昔
初見公賤子年尙小兩世交最深一官辭共早桂香拂
綺筵七十世所少捧爵誦岡陵階前蘭玉繞

題小浮山人江山風月集卽用見贈詩韻

秋空惟見暮雲還蘿蔓峰高早閉關經卷藥罇隨地隱
寶鐵齋詩錄

夏

松風江月幾人閒游蹤可記晴川樹夢境難尋浮渡山
渺渺洞庭波又起欲招白鷺伴孤鶩

附贈作

別後親朋少往還新詩時寄穆陵關向投翠石今
猶冷爲畫滄洲早得閒稚子總能文案事將軍不
好武林山先生有道無羈束此日中流放白鷗

題王繡莊先生粟園雜興詩石刻

吳興地清遠今古有秀士出處雖殊途懷抱少塵滓卓
哉王先生遺榮薄金紫棲遲山水窟嘯傲煙霞裏三時

課耕稼一心委圖史時爲梁父吟頗類東臯子野園小
于粟避俗歌樂只俯仰天地寬詠言悟真理清標不可
接年運疾于矢孝思永不忘流風能繼起寫詩乞佳手
題詠微遐迥片石揚清音五言明澹古傳詩足世家具
見繼述美古芬誦名德後先貞素履

余昔天池山訪落木庵同覺阿和尚作

亂山斜日弔遺民古屋荒涼少比隣洗句池空堆落葉

謚蕭堂廢滿寒塵黃帽白袷高人像

元歎先生遺像前
年裝池付覺阿供

養雪北香南故國春欲拜孤墳迷處所骨銷風雨遍荆

寶鐵齋詩錄

夏

榛

徐紫珊明經新得英光堂帖用劉涇題米老王略

帖韻

徐君妙筆含英光米氏一莊今不荒心得所好神軒昂
珍此殘壁輕金章題詩贊歎墨數行東海詞翰如東陽
汲古之味腴且長癡兒徒寶珠玉藏
兼金購此虹月光令我眼界開洪荒眾星列漢隨低昂
急就不數黃門章秋蛇春蚓徒行行誰見威鳳鳴朝陽
春暉堂中春日長傳之子孫什襲藏

朱琴秋女史詩詞

琴秋郡之麗娃鄉人性奇慧六七歲卽善女紅
稍長讀書通大義兼工書畫能鼓琴蔣澹懷明
經納爲蓮室幕遊所至皆挈與俱能以儉勤相
佐屢勉有無者八閩寒暑今年自無錫歸里得
詩妻不瘳疾死淡懷自撰傳略以述其行同人作詩文
以誄之

幸作才人婦相期老歲華劉樊欣得偶梁孟共移家
浣
筆朝研露翻書夜覆茶商量歸隱計湖上菰羣花
女墳湖上

寶鐵齋詩錄

草

作花農淡懷
示姬人句

少小耽文字清勤耐苦辛詞人能好色淑女自安貧
玉
案齊眉舉金針着手神衣裳親補綴不羨綺羅春

朝雲不同老玉局照神傷音散琴懸壁塵封簞竟牀生
留斷腸句病少返魂香月晦秋容慘姮娥掩素光

秋風捲戶庭拔筆寫幽馨永逝文悽戾他生願宵冥定
情寒舊夢埋玉乞新銘推髻人何在砧聲慘獨聽
祇餘推髻

人悽語三度淮南聽
暮佔淡懷在真州句

管社山莊圖爲無錫女士秦瀟碧作女士從父秦

細業作記其弟

昌燾

索詩

具區深處闕煙霞巖洞逶迤澗道斜地許田疇曾避寇

明季揚紫淵避兵卜居此山

人從東野廬移家瀑寒坼峭開仙境菱

熱荷香隔世譁畫手文心兼攬勝至今淮海擅才華

木及蔣澹懷屬題蓉湖泛月圖用亡友朱酉生素心堂

詩韻

良會難再得如夢呼鞦醒去歡墮茫昧來愁攬閑靜賴

有文字傳清景與之永逝者不可作隣篋帛斜景遺詩

一再寫雋語出鋒穎意氣若在眼令我一引領陳迹付

寶鐵齋詩錄

享

畫圖身世歎俄頃低回觴詠地婁絕花月影

貞孝徐節母詩

亭亭蘭蕙花幽芳吐瑤圃矯矯女貞木堅性耐風雨卓

哉徐氏母生爲孝子女少小習庭訓誦讀歷寒暑字人

未及歸所天赴泉土矢志獨不移一室抱義處側聞有

委禽中夜繫尺組賴救幸獲免此心益艱苦姑老從子

弱大歸事仰俯存歿咸盡禮撫育持門戶一身萃百任

物物皆得所後嗣幸成立壽母篤天祐年將及古稀撒

手謝苦楚大節振鄉里奇行達朝宁煌煌啓

天

恩旌表建坊柱三泖清見底九峯高可數貞烈同
不朽榮名耀千古

毛氏汲古閣圖爲徐紫珊明經題用畫史王與中

韻

高閣貯萬卷汲古時登躋運往付陳迹雲煙散細縵尺
幅傳好事老木親手題

圖歸瞿木夫徵題三十餘家今紫珊得之詠歌集羣

彥故賞同黍稽中央及四角密比寒菜畦徐君獲心好
照譜煥然藜寶繪欣得所壽與名山齊

秋燈寒夜製棉衣圖爲楊白題

寶鐵齋詩錄

墓

製衣恐不暖讀書恐不多兒心如母心一燈長夜哦
梧竹表貞性風霜繪寒色展圖見孝思厲志報罔極

汪世芬誦清堂圖

警效如可接遺墨列星煥錦龔寶楨藏豈充耳目翫搜
羅歷寒暑七葉乃可貫誦清展畫圖述德富篇翰庭柯
枝龍葱潭水源澄淡感子孝弟心令我發讚歎

楊芸士屬題前蜀王鉛書蓮花經殘本

楊侯示我經一縛乾德年間王相作殘行斷墨出燼餘
千百驪珠光照灼楷法大似鍾紹京靈飛遁甲骨格成

妙蓮巖淨塵不染展誦時有香雲生相君當日承殊渥
奏記新宮文卓犖白藤擔子貯秘冊黃閣餘閑事禪學
金粟親書貝葉文玉樓還進長生籙童騃後主政紕繆
宣華游燕忘昏晝清歌妙舞日不足國破君亡佛難救
此時丞相載經還入洛仍趨五馬班生歸應仗法王力
不與宋李同夷刑銀鈎鐵畫豈艸艸古香半帙人傳寶
惜哉有此好手腕不寫諫書寫降表

通山令顧羹梅策騎夜巡圖

崇陽城中突蛇豕良民紛紛格鬪死風聲鶴唳震隣邑

寶鐵齋詩錄

聖

縣吏州官咸失色通山無城倚林藪何恃不恐能戰守
盤根錯節見利器書生乃具霹靂手兵民聯絡防堵密
與人一心勝可必賊賊兩次斃藩籬劍鋒所指皆披靡
樓頭坐嘯劉越石馬上殺賊傳脩期狐疑鼠竄不敢近
兔起鶻落頻出奇元戎戾止軍吏喜大憇生擒報

天子論功保障居第一危疆不動安如砥鴉翎耀首粲
蔚藍銅章真授殊恩紀汗馬之勞乃獲此不比黃金買

青紫丹青神妙大癡翁

圖爲黃秋士作

畫筆遠與江山通三軍

銜枚星月皎一馬持策冰霜中披圖如見當時事布置

從容勇且智王粲從軍歌嘯豪鷹榮揮扇豺狼避君身
長不滿六尺君體素短小兩臂何能拓金戟誰料胷中富甲
兵前當大敵堅如城吁嗟乎頻年海上鯨鯢亂婦女丁
男半離散不見關門守惟見開門竄安得守土之吏盡
如君冠至不驚安間問

壽彭仲山 朔

君家長竄翁我家少微叟慎交結文社相與道詭厚奕
世敦古懽近親訂佳偶憶昔文戰時迫趨論可否風簷
快譚藝月榭頻賭酒一從悵分攜十年浪奔走歸來洗

實鐵齋詩錄

喜

塵面相見媿老醜羨君松柏姿優游卧林藪第五驃騎
同小山林壑有高文積百篇傳鈔煩十手諷諭儷揚馬
古峭追韓柳浮榮何足誇此事真不朽今逢攬揆辰燕
客酌大斗榴花光照眼竹葉味可口嘏詞戒俗蕪真意
表素守卓哉無近名君撰無近名齋古文三卷允矣必得壽

申尙漁山居圖

賜閒喬木重吳門偶賦山居避俗喧康樂丁年能述祖
定陵丙舍寄諸孫三間茅屋開羣岫萬樹梅花抱一郵
願約君家疏懶叔虎山橋畔醉清樽謂子梁表兄

陸侶松行雲流水圖

舉舉江南子

退之句

深居避世榮綠葭延古巷黃葉聚秋

聲逝水澹無迹閒雲嬾有情知君觀物妙意不在流行
家擅壺中術雲烟亦善揮園工荀子訓神品陸探微境
靜足俯仰心空無是非濟人兼養性着手卽生機

友人眠琴綠陰圖

綠陰沉沉酣鶴夢幽境蕭寥若巖洞坐久不聞啼鳥喧
逸響蕉梧時一送風標公子鷗鷺盟詩品峻潔玉有聲
眠琴不彈意深遠領取無弦太古情

寶鐵齋詩錄

五

鄭靄山瘦玉山房圖

紛紛蒼雪枕簟涼萬條寒玉聲鏗鏘彈琴竹里舊開館
著書夾漈新成堂深林高卧貴明潔出處何須強分別
君今已作用世才直上青霄見高節

游瀆川雜詠和清聞韻

研山堂上談詩地藤蔓穿牕畫壁昏我欲按圖尋舊迹
廢池喬木剩秋痕

葛園

疏籬小徑淨無塵拳石喬柯見古春留客在山泉一盞
秋花手剪贈遊人

梁園

林泉兩地判仙凡粉本還憑妙手芟來客若逢狂阮藉
盍排樓壁對靈巖

端園

離奇三松困墻角寒瘦孤梅遭斧戕荒庵野衲不曉事
但乞黃金丈六裝

注雲庵

題范湘芸廣文遺詩後

宿昔居止近兩家聯牆垣余時始學詩僅得窺籬藩得
君導先路六義探詞源佳辰鬪清韻深夜攜芳樽團沙
散難合一別誰與論前年移疾歸訪舊傷離魂鬱鬱兮
窪趾墓木倏以繁重遊唱酬地益嘆松菊存君家三珠
樹粲粲榮其門誦芬輯遺著述德窮本原詩以道情志
何曾貴多言寥寥數卷中德音和且溫文正富經術文
穆詠田園家風世不替燕翼子與孫

顧晚芳夫人梅隱庵圖遺墨

吾吳盛文藻璇閨多秀質西河有賢媛天賦凌霞筆既
工花草圖復探山水窟崔徐妙渲染倪黃兼雋逸松壺
留舊本梅庵創新格縱橫萬枝玉芬馥一林雪泉石抱
遠懷竹柏寫高節中有姑射僊幽棲寓明潔憚冰少即
壑文淑貌瑣屑論古難兼長俯今誰與匹惜哉寫韻姿

乘鸞去無迹人世不可留神遊眾香國鳥哢春事空月
落音塵絕夢醒趙師雄披圖清淚滴

陸朗夫中丞畫卷

時劉石庵觀蔡江西作圖
贈行後附袁簡齋送行詩

半是松聲半瀑聲屏風九疊數行程筆端吸盡西江水
顛米迂倪無此清

烟波南浦離情遠面目匡廬逸格高相業公才各千古

倉山聊復作詩豪

顧亭林先生畫像

異表雙瞳矚太虛清高遺像肅冠裾傳家忠孝滄桑淚

寶鐵齋詩錄

七

經世文章利病書謝舅何甥分出處周原魯甸力耒鋤
蒼梧雲斷悲弓劍兩地陳詞痛有餘

元張甘白紫瓊琴流傳洪忍甫處覺阿和尚乞而

藏之囑顧茵塘寫乞琴圖爰題四絕

甘白遺琴贈遠公千秋牙曠賞音同藝林酬答傳佳話

補入容齋五筆中

長康癡絕似倪迂淡墨蕭寥味自腴但使胸無塵一點

畫禪琴趣豈殊途

清詞獨唱梅花衲古調能彈白雪歌吾欲從師參妙指

冰弦緩急問如何

林居桐露涇清琴一曲南薰響未沉篋裏瑤箋類諷詠

臨風如聽紫瓊音

偶憩樂園林居誦義文之象爰彈有虞之南風僕戴雲林致張子宜札中

話也

古風二章為楊節母賦女夫張孝廉肇辰作傳徵

詩

貞松挺勁質時至節乃彰幽蘭無奇葩性冷久則香是為君子行巾幗亦自強卓哉關西裔一門成兩孀婦姑堅一心皎誓爭日光同抱竹柏性共勵鏡石賜明廷錫

寶鐵齋詩錄

冥

殊褒善世立大防豈惟表坤順亦用昭天綱

上有垂白親下無黃口兒拮据四十年茶葉甘如飴女夫表至行實錄無愧詞精金不辭鍊完璧終無虧一綫絕復續將行百世支夙志定易酬名譽非所期造物有常運食報當在茲

翠薇花館填詞圖為弋順卿題

手縛香茆路不斜自修簫譜按紅牙平生齒冷元才子拋却浮名獨對花

墨香小研寫溪藤韻譜精嚴得未會倘與時流分涇渭

玉梅花底笑迎陵
青楓橋畔冷閑鷗
小別家山賦近游
殘月曉風公路浦
年年清酒級清愁

師竹山莊圖用琴涵觀察韻爲姜大令宮綬題

十年客山左未遇瀟灑侯
幸見白石仙庶免青瞳羞
欵

欵話情素時憶帛道

謂覺公

猷虛心識君師把臂慰我求

笑談蛟鱗靖經濟卓魯儔
寄情竹中趣發興山之幽
故鄉地清遠萬綠環一樓
暫歸亦自得心寫苔溪秋
退爲五湖長進宜督八州
千臂指勁節毋慮道阻脩

寶鐵齋詩錄

亮

程茂才

庭鑑

畫山樓圖

海風涼入練祁明坐寫清
空見性情珍重伊川一枝
筆雄于嘉定四先生

長吟摩詰詩中畫不借元
暉牕裏山夜半鈎簾呼月
起照君含墨寫烟鬟

豈是紅蓮隊裏人超然風
格見天真北山詩句南雲
更異代清才在一身

唐善業泥造像爲郭藕舫題

吳越金塗多贖迹海南鐵
塔半凝塵九泥尙有慈恩
象

端楷渾同少保真

真如妙色覺昏迷黃土搏成不染泥可是惠之親手塑

唐楊惠之善裝塑惜無圖籍與參稽與吳道子畫齊名

楊李花開過隙駒怒怒仁壽到乾符君在關中得隋仁壽造像唐乾符末

夫人墓誌及此長安三百年間事慧眼看來一語無三種攜歸吳門

郭侯遊轍遍關中大有松談嗜古風華山郭九伯號松談關中人

揚千碑墨成海歸裝三寶氣如虹

郭慧人夫人畫蝶遺幅為沈朗亭太史題

落紅如雨點蠶燕栩栩生機入畫圖可惜羅裙都化蝶

寶鐵齋詩錄

亭

海山常伴鮑家姑

蛩語蟬嘶冷總帷賦成芳艸怨天涯秋魂秋影無尋覓

畫蝶何如落葉悲

夜臺有弟伴吟魂謂桂輪太史先後同歸般若門懷替賦兼

哀永逝幾番清淚哭黃門

九畹芳姿墨未乾寒閨遺翰惜叢殘朝來並几同披視

也當真真小像看

亡婦遺墨僅存墨蘭一冊

金耿庵先生墨梅冊為葉蒼生題首頁裝先生遺

看梅餘興寫幽姿老幹孤花獨背時百八十年春尚在
不教吹落剝空枝
真賞欣逢小石林爲傳遺像寫幽襟鬚眉花幹同清氣
中有千秋不寐心

徐侯齋高士自寫澗上艸堂圖爲尙友齋主人題

仲若開林澗申屠結茅屋古來沉冥徒避世激頽俗先
生非隱流忠孝表名族所天殉鼎革遺訓守耕讀結廬
在巖阿風雨和歌哭終歲不入城却聘謝榮祿賣畫堪
療飢不藉胡奴粟春風動寒山香草澗邊綠撫景弄柔

寶鐵齋詩錄

聖

翰清暉寫盈幅懸之草堂問足以伴幽獨百年手澤存
世事如轉轂今歸尙友人舒卷散古馥羣峯若明滅一
水自回復如見秦餘民幅巾嘯林麓澗枯堂復傾振古
議修築拭目還舊觀一樽薦寒菊

先生同姓麗江縣佐
邀同人葺堂疏濶

吳梅庵詩老遺像爲王韞齋明經題

詩人例多窮所得名不朽猶勝金紫貴老死無一有先
生植文行抗志古爲友筆耕不稼飢衣食事奔走盛年
客湖湘名卿悉低首晚歸古槐巷養母侍左右騷壇奉
師資正聲別瓦缶撰著積等身同輩誰與偶病口猶耽

書丹鉛不離手蕭條東野居圖史塞戶牖乘化已卅載
流風在人口外物散雲烟高名仰山斗文字有夙緣神
交結先後憫君私淑心遺影欣入手撚鬚事苦吟遐想
徹高厚如見詠蒼茫獨立杜陵叟千秋託冥契宗派親
授受還憶借書圖君能訪躋否

東漢沈朗亭太史宦迹圖凡六幘滇海秋帆劍門叱

大石家陝右時游迹所至也支麓探梅偕其內兄弟遊

支硎山也西溪負土爲封公營窰窰也冊首繪

寶鐵齋詩錄

臺

小影其上囑爲題句爰仿梅邨體應之

沈侯家住西湖曲少日才名重如玉蓬山作賦氣凌雲
東觀修書藜代燭右文盛世重儒臣萬里秋帆載使星
豈祠碧雞勞玉節遠羅丹鳳貢彤庭銜鋒車復向成都走
叱馭雲中歷層岫銜鑑平懸玉壘高珊瑚網盡錦江秀
持尺頻量三輔豪幾年化雨遍秦郊題詩紅峽江風和
飲馬酒泉山月高使車到處留膏澤爰代輕裝回紫陌
宦橐會無陸賈金奚囊但擗鞞陵石

行篋中積秦中金石墨本三千餘種

江南春色聳鄉深便訪梅花謁道林羣從謝家攜蠟屐

見山閣上奏清琴過家負土西溪曉報咎春暉寸心了
鍾傅親營戶舍田歐陽手寫瀧岡表遊蹤歷歷繪成圖
眉宇紫芝清且耿玉堂仙人其仙骨豈比寒十棲孤蘆
吳閩握手重交誼金石因緣良不易碑版深談洪趙書
鼎鑿細別商周器傾蓋相逢太艸艸玉鞭又指長安道
雲昏君復侍長楊烟水吾甘伴孤篠風度英姿正盛年
功勛他日上凌烟丹青待寫鷺溪絹樂府重題播管絃
和琴涵觀察乙巳元旦之作

融和晴旭艷初晨涵綠溪光泛曉春滿眼兒孫娛老子
寶鐵齋詩錄

臺

關心詩酒勸迂辛乾坤清氣能培養塵世浮榮任詘伸
亭下新添梅數樹詠花許我暗香親

人日承招
飲溪堂

附元作

芝香豁然和朗啟芳晨益益初迎四日春力學差憐孫
龍奕奮兔持家所喜子艱辛自知湖海豪情減漸覺朝
興闕苑正氣伸

聞少穆尙書
有加銜之信

閒逕客來惟二仲奇文相

賞道相親

秀水陸贄鄉傳畫樓圖

夢墨留妙墨重是先人遺配以仲圭竹兩美合不離

唐

如寒林圖吳仲圭竹卷陸君先人所貽築樓藏之

桃庵結清賞畫沙緬幽姿

書筆

沙仲圭所居地名

築樓貯寶繪讀畫徵新詩卓哉平原裔述德

傳清規豈充耳目玩時動枯倦思麗景煦萬物和氣生
竹枝寒林轉華縟莫訝春風遲

和琴涵觀察元日詠菊韻

延年駐景冠羣芳冷艷叢中獨着黃已歷窮冬堅傲骨
又隨春色鬪新粧三花聚頂圓光滿五柳閒居逸與長
瘦影蕭疎映潭水溪堂風物勝南陽

附元作

寶鐵齋詩錄

卷

秋英留豔占年芳磁斗三花映日黃松下折枝分

翠葉梅邊入畫助紅粧從容晚節冰霜過回幹春

華歲月長畫錦光榮生老圃論心彭澤卽安陽

蔣荔亭小影同琴涵韻

上松翻風動鱗甲巨舟跋浪舞鯤鯨坐來心地渾無事

一任雲濤作怒聲

壯游南北氣堂堂倦返田園樂雁行瞰海昔曾思拾月

飯松今喜貯餘糧

社集網師園次清聞居士韻

春開婪尾敞林扉
回首前遊舊侶稀
樂圃吟情如昔健
壬辰四月仲兄飲客園中芍藥花
下同座諸君惟蘭坡朱翁存耳
西堂夢境已全非
微

陽淡淡初烘樹
細雨冥冥又溼衣
世事風雲原變幻
一樽同息漢陰機

清聞疊和見示有感于棟華琴史兩翁復次其韻
歸卧滄江白板扉
春山伴侶近來稀
一池月落傷終老

池上篇末句吾
將終老於其間
三徑風寒感昨非
出處甘拋青紫綬
逍

遙同着芰荷衣
不才幸得從公後
也學南華杜德機
土心徐侯齋先生遺墨
首幅水臺山下附四
札致其甥管方至者

寶鐵齋詩錄

臺

上沙村裏艸堂成
從此高蹤不入城
謝舅何甥時款曲
禹糧堯韭費經營
殘山冷淡留遺墨
短札頻煩見至情
巖畔荒祠欣起廢
百年人物重幽貞
同人修葺野
堂今已落成

次小浮韻柬清聞

累向閒中遣交從
淡處尋圓廬
臨水澗氣味得秋深
閉戶久聞道下帷
能息心杞憂
時感觸澤畔自長吟

逆久不寐適清聞以疊韻詩見示同病相憐彷彿

湖上之歌復次韻答之

欲結幽蘭佩還從澤畔尋
高談忘俗忌密詠見情深
難

合江湖眼誰知天地心秋風動南國蕭瑟助微吟

附

小草甘於處幽花孰解尋江湖隨夢遠日月與愁
深各有難言隱空存獨醒心涼涼秋又至極望幾
沉吟

涼氣臨波得幽香折蕙尋南柯餘夢淺北極暮雲
深滅燭憐蛾意開簾待燕心秋堂同不寐望雨起
愁吟

有感用前韻

寶鑄齋詩錄

稟

緘口已成俗誰從古道尋披肝期覺悟苦語出艱深富
國無奇策迴天仗赤心高高呼不應欲問幾沉吟

倪濂舫觀察雲烟過眼圖

雲烟無定姿聚散不留迹至人悟物理任彼起與滅雖
處變幻中寸心獨超逸久之淡相忘過眼盡融釋卿雲
自南來車蓋覆萬室瞻望皆色喜霖雨潤無極草木藉
光輝原田被膏液茁茁動若燁靜照自生白

移石圖爲彭仲山題

芝庭尙書鉏雲園中多奇石年久荒圯仲山移

置齋前繪圖徵詩

宣和十五石中有舞袖仙

仙人舞袖良岳石名

轉眼遶劫火變滅

同雲煙盛業尙難保何物能牢堅清門德偏厚一角留

平泉年深徑偶荒石瘦力可遷轉移半日勞一一羅堂

前笑兀絕依傍蹲踞叅後先洗剔露蒼澤摩挲成新篇

庭除地十笏氣與嵩華連靜對著書容嘯咏全其天寒

家有遺構傳自隆萬年洞壑竊而曲林榭成自然惜哉

移不得一朝空弃捐夜半適有力負去如神鞭他人入

我室秀色空嫵媚貽基未能守矩範徒留傳披圖益悵

寶鐵齋詩錄

毫

觸令我憂懷煎何心論衰盛卽事分愚賢

金冬心墨竹

冬心心古筆亦古勁氣都從十指生規模遠法六朝上

不知唐宋況元明

歲朝賞菊次芝軒相國韻

冰霜歷盡未摧殘紫綬開遲獨耐寒艷接春華和鼎實

香浮臘味助堂餐留爲閣老元長頌付與詩人子細看

遙想平泉高會處一枝疎影傍椒盤

附原作

秋容肯爲傲霜殘。要共梅花保歲寒。令序恰逢新
釀熟。騷人未許落英餐。清能絕俗希真賞。澹到志
言耐久。看不識。當年彭澤令。可曾留與醉辛盤。
功甫舍人許贈紅梅伴我霜菊春寒未花恐其久
霜風有意留孤影。江月何時掛冷枝。但使折來同供養
緩開十日不嫌遲。

附原作

蔓庵尚有菊三朶雲峯只少梅一枝特遣長須來

寶鐵齋詩錄

乞取手書爲報得花遲

靖安舒椒孫公子常惺惺室圖

至人貴藏密君子求放心一靜悟百妄讀書嘉樹林長

松振逸響幽篁抱烟濤有童供洒掃有鶴鳴清音圖史

足怡悅眺聽時高吟惺惺常在抱擾擾何由侵西江富

瀾浪匡阜多岑崆人傑時間出所貴非纓簪况習詩禮

教鬱爲邦國琛潛修飽經術用世爲商霖

汪月生明經以坡公太華峯頭作重九詩意爲圖

屬題

笑兀太華顛去天只一握秦吳路悠遠夢境付綿邈長
吟玉局詩奇想欣有託乘雲駕鷹輪飛步凌岬嶇天風
拂袖寒秋氣入寥廓正逢脫帽辰濟勝具腰腳俯視洪
河流一泓助杯酌君身有仙骨受才寶奇卓登茲發浩
歌珠玉向風落置身最高處下笑塵世濁圖形秘巾箱
終踐山林約寓言聊逍遙入世苦纏縛展卷羨神遊目
送雲臺鶴

題潘順之庶常南陽道中寫菊并詩冊

邠老吟詩日重陽客裏過湖山浮畫舫風雨助高歌背

寶鐵齋詩錄

戛

指菊花近闕心松徑多蓬牕間點筆鄉思入烟蘿

晴江一帆影歸自鳳池頭暫作南飛鶴閒尋水上鷗看
雲懷遠道含墨寫高秋却喜浮山近新詩日唱酬

卜居仁孝里爲顧氏舊宅上舍默庵以詩見賀次

韻答之

君家原有辟疆園五百年來舊澤存松石尙留相賞地
樓臺何用別開門大叅築室源流遠仁孝爲鄰德業尊
愧我忝居賢達後何如枳棘傍蘭蓀

有感

赫怒天威震海濱
旌旗壁壘一時新
廟堂已定平夷策
鐘室先收誤國人
萬里臨戎私賣塞
三軍徒手盡亡身
貼危賴有林和叔
衆志成城仗老臣

汪松泉招同社會飲牡丹花下

衝泥探勝畫橋東
曲檻深藏萬朶紅
倦客心情歸酒地
名花容色醉春風
高張翠幙留香久
近接酖顏一笑同
吳樾翁云飲至半
酣花亦嫣然欲笑

聞林少穆尚書東河効力喜而有作

西征車馬尚留東
喜見恩綸下漢宮
雲散天心開朗

寶鐵齋詩錄

享

月瀾迴河口避清風
待成瓠子宣防績
還念零丁禦寇
功海若前驅先効順
妖氛盡掃怒濤中

粵洋
近事

酸棗黎陽近帝都
流民接踵望來蘇
泥塗雁戶籌衣

食粳稻蛟宮湧舳艫

艇艘卽
日南下

已遣王尊拯下墊
不煩鄧

恢繪新圖金隄指顧奇
功就武備河渠贊聖謨

乾嘉詩壇點將錄

江湖姓氏記傳聞
高築詞壇領冠軍
猛士詩人雜龍虎
一時吟嘯起風雲

孰是鸞凰孰野狐
一編評騭未模糊
試看漢上英雄記

卽是西江宗派圖

樂士清明後一日偕黃穀原荆梅伯攜榼同集琴涵觀
禁真察二十六宜亭梅花下穀原爲圖各紀以詩

素心集良辰相賞見真意同抱泉石懷不以出處異連
陰梅信遲寒食花初試喜逢宿雨晴萬象開曉霽端居
謝軒冕林壑重位置虛亭旣岌業曲徑復深邃溪堂漲
春痕晴波蕩空翠柔蕙矚已盈老幹心獨契疎密互增
減情性辨宜忌高下紅白林繁英競妍媚絳羅影連雲
晴雪光在地招邀二三子好景不自秘殺核各有攜高

寶鐵齋詩錄

五

處坐聯袂盡拓四面窗不教邢尹避疎影呈異態香海
同一氣主人本健者抽豪景能記長歌當敘引詩筆醇
而肆膝前文度賢妙解淡中味扶筇隨唱酬譚讌樂衡
泌荆侯聽鼓暇入林快把臂花間譜瑤笙逸響度雲際
大癡叟鑠翁高逸追清閤一詩復一畫尺幅寓渺致諸
公盛才藻樗散亦濫厠撫景欣賞諧遊目感慨係側聞
楚粵間民氣如鼎沸袞袞彼何人曷思久長計三吳尙
樂土園林況清麗吾儕幸無事俱脫塵埃累觴詠不盡
歡勝景難久昇浮榮何足論樂志且玩世

蔣硯溪先生種樹圖遺象爲後裔茂畬中表題

硯溪爲茂畬之曾大父祖父兩世遊宦黔中少年隨任倍歷艱辛道光元年奉諱歸里留意先世遺跡祖姑歸蘭陵者出是圖付之潢治成卷屬爲題記

三徑多名賢植德齊出處簪纓嫵金張文章追燕許卓哉硯溪翁鄉里仰德宇承先培後賢閉戶學老圃蘭玉森成行灌溉資尺土寫真遇國工

吳興沈芥舟寫圖

題句皆俊

侶就中吳季重詞義尤高古留傳仗後人襲藏欣得所

寶鐵齋詩錄

臺

亢宗多令子清德承名父黔西著循良奕世光不緒寒家託姻媾重疊難枚舉徵題及蕪詞固陋何足數願讀種樹書常守理人譜德業期日新清芬繼厥祖

題明崑山殉節諸生潘子晉先生遺象

滄海橫流日貞儒就義年捐軀殉宗社隨母及黃泉名與陶朱並心同鐵石堅莫輕逢掖士忠孝獨能肩

指頭畫劍爲戈順卿題

墨花淩亂劍花明英氣都從十指生狐兔眼前莫輕試要留霜刃斬長鯨

題楊芸士讀五千卷室勘書圖

積書苦不多積多患不讀讀矣復襲謬魚豕不自覺所

以古先民尙論貴研推楊侯出清門壯歲志卓犖所嗜

惟陳編散財收卷軸老至眼逾明矻矻勤纂錄束皙旣

補亡吳兢復編目搜奇家日富得間笑可掬鉛槧常在

手縑緗撐滿腹寫真寓夙好儻舍遠塵俗崔儻一室寬

李謐百城樂世澤守喬松吾廬傍脩竹

皆君所居堂室名

傳經

況有人庭堦長蘭玉平生述鄭心兒輩堪付託蹇余百

不能謝病淡無欲是癖有同嗜所苦窘篇幅雲亭幸許

寶鐵齋詩錄

五

叩匡壁不煩鑿挾策時過從庶幾補不足

題沈西離觀察恆陽訪碑圖

傍城煙柳夕陽時攜客尋幽剔薛碑著錄已成都趙例

新刊常山志有石無金仿金搜奇多採納梁遺

元納新

先後採訪河荆關妙手圖行看麗則新詞寄遠思八詠

北金石文字家聲傳美政古人也感使君知

題梁茵林中丞募圖雅集圖次朱蘭友宮贊韻

照眼紅榴映紫荆花前文讌最關情快逢舊雨談風月

長願寰區偃甲兵得食遊鱗知極樂窺人幽鳥亦忘驚

座中各有憂時感滿腹琅玕對酒傾

畫禪妙手似雲林

幼琴自號小畫禪

點染煙霞酌古今觴詠恰

符五老會身名肯使百年沈養疴不廢銜杯樂

公傳百歲酒方

退密仍殷報國忱

公自號退叟

紅樹青山秋更好願隨杖履

共登臨

沈西雒觀察席上喜遇陳頌南給諫縱譚往事感

賦一律卽送歸閩

平生欲識陳驚坐懷袖三年諫草留獨擊羣凶寒敵膽

竟收成命用吾謀文章彝鼎千秋業

所著齊侯鼎通釋萬餘言其它金石

寶鐵齋詩錄

喜

文字甚富 湖海風煙百尺樓鳴鳳朝陽難再遇無聲仗馬滿

皇州

沈西雒觀察河朔訪碑圖同楊芸士韻

河朔皆趙地廣袤見班志郡縣如星羅碑版考廢置隱

侯善採訪實刻難久閱畿南數十州所到獲新異吏治

貴師古文章先識字官齋集墨文學卽政事恆陽旣

蒐羅京畿復蒼萃弁山及儀眞後先同一致就養來松

陵蕭然淡無嗜坐對湖山清日補金石記

並出兩漢古刻君補入翁

閣學金
石記中

天平山看紅葉次清閒居士韻

鄉里追隨馬少遊，秋晴雲樹豁雙眸。
遠峰明淨上朝日，野水參差送客舟。
精舍古祠延杖履，丹楓黃葉擁山樓。
草堂同薦寒泉菊，一代清風澗上留。

是日至澗上會祭徐侯齋先生

獅子林圖爲畫禪方丈映月題

筆精墨妙暗門劉

圖爲劉彥冲寫

淡寫林巒意匠幽，獅子窟中

時打坐一蒲團，外五松秋

獅林一名五松園

雪窗蘭草巨然山，破墨淋漓不可攀。

映公兼精六法

一代名僧

居勝地又留禪，藻滿人寰

寶鐵齋詩錄

夏臺

唯亭雜詠

韋左司吟浦

政通吏多暇，出郊淡塵慮。
欲寫邱壑情，端籍湖山助。
近訪開元僧，遙尋上方路。
至今浦上雲，猶戀微吟處。

唐陀羅尼幢

唯亭地一隅，法幢鎮淨土。
寶刻傳會昌，旂緣子繼父。
包山與角里，鼎峙各千古。
不逢鑑賞人，誰將金石補。

吳縣之包

山元和之角直皆自唐人經幢

慕園社集詠益梅次清閒韻

橫枝古幹最宜詩惜少傳神揚補之東閣郎君善裁剪
剪裁悉出
幼琴手
西湖處士賞新奇窗明几淨消閒地春未花

來絕妙詞南宋陸松窗梅詞道是花來春未
記取水邊三百本年年容

我醉芳卮

小浮山人以瓶梅見貽屬爲寫圖并系一詩

銅瓶出深井注水插梅花西生贈小浮句閑誦絮翁語常懷處

士家春生鳳池早手剪鶴翎斜欲寫九仙影一枝九朵花葉並茂

門無畫筆沙

小浮以所藏韓瓶插梅花見贈并辱和章疊韻奉

寶鐵齋詩錄

稟

謝

瓶古尙留姓泉香宜插花曾隨清隱士蘄王一號清隱來白紫

巖家南宋潘坊字紫巖贈比黃金貴少陵銅瓶詩猶得折黃金吟成白雪斜

風雪中造歲寒添畫本交誼繼南沙近得南沙相國贈先祖畫幅贈瓶中

寫歲寒三友極古淡之趣

坡公生日立春同人致祭於清瑤嶼小浮山人製

綵燕一枝賦詩屬和

介壽開春釀東風已着花恰逢三白後臘月三度見雪重到二

邱家綵燕從人剪銀幡貼鬢斜眞靈跨鸞鳳塵世感蟲

社集詠臘八粥

歲序崢嶸臘鼓鳴瓊糜供佛一甌盛甘同西竺醍醐味
壓倒東坡骨董羹七寶調和徵梵夾百年粗糲稱儒生
飽飧莫忘啼饑苦惟願窮冬米價平

題姜仲子生壙圖及病中別親友詩卷

生營埋骨地病賦別親詩妙墨雲林派高風汐社遺三
鄉勞遠夢尺土傍先祠化鶴歸來日湖山似舊時

孤墳留畫本終古墨痕秋逸氣埋黃土詩名重白頭子仲

寶鐵齋詩錄

毫

詩中喜用白頭二字人目為姜白頭墓門隨曲澗諫草剩荒樓曾見林花
落披圖動客愁壬辰春暮至虎阜曾謁祠墓

和小浮山人丁未元日之作

梅花作伴掩雙扉如水門庭過客稀燕子詞成春有喜
虎山人至醉無歸謂與尤榕疇聯句流年誰信今猶昔學道深

知瘦勝肥咬得菜根豪傑事與君言外悟精微歲暮友人以史

忠正書世間有咬菜根豪傑天上無不讀書神仙字幅見示

和清聞居士丙午除夕韻

分嘗菜把見真情清聞以瓢團坐良宵快久晴手捧椒兒菜見貽

盤稱母壽笑騎竹馬看兒行籬邊煙暖梅全放隴上春
和麥易成預約素心人日會草堂仁聽嘯歌聲

吾與庵次清閒居士韻

吟朋三五結閒情天許清遊快遇晴雙槩送人忘路遠
一筇扶我傍山行池寬春水方生候地僻梅林易長成
高閣到來猶未晚樵風時度午鐘聲

通濟庵疊情字韻

支公文字未忘情邀我山遊好起晴葛樹梅花正全放

廿年舊雨快同行

戈順卿與賢阿別廿餘年矣

論深唯識應難解時覺

寶鐵齋詩錄

三

阿研究唯識論疏

詩遇叅寥不易成歸共溪漁爭晚渡鳴榔時

聽雨三聲

留餘春館席上食香螺賦詩索同人和

獻歲多佳日良會及宜時雲亭破寥寂談讌羅芳卮中

厨進海物異品宜有詩嘉名曰香螺來自閩客貽莫讓

竹垞翁五字能搜奇薄比白雲葉香奪碧澗絲佐以筍

菜美如食齋房芝口鼻領芬馥腸胃含榮滋何煩炷甲

煎且自觀朶頤鰓魚差可疑不辱莽操知玉房供酒具

謫仙曾詠之

鸚鵡杯卽螺殼也

座客旣醉飽各有乘風思三山

沙何許雲濤無津涯勿作飲食人空負江海姿宛渠如
可剝螺女來毋遲

清閒居士招集二十六宜亭觀梅疊情字韻見示

次和柬答

登臨已是一年情

去歲花時
留讌亭中

萬樹香光麗曉晴雅集直

超金谷上憑高如在玉山行橫斜疎影留雲護主客新

詩借韻成亭下春流魚極樂醉餘坐聽唵喞聲

潘理齋先生侍親讀書圖爲令子順之庶常題

二疎相繼賦歸田問字趨庭似昔年閉戶遠窺秦漢上

寶鐵齋詩錄

夏

將車同住水雲邊

三松丈晚號
水雲漫士

松堂夜永青燈咏萊彩

春娛玉局仙子舍雙丁能競爽讀書中祕復床連

送潘順之庶常北上

扁舟欲問渡江梅一曲驪歌酒一杯大有離情留翰墨

載將春色上蓬萊班生何異登仙路謝傅原懷濟世才

清絕松齋讀書處黑頭辦了好歸來

魏大和三年銅熨斗歌

銅熨斗一枚以建初八度之柄長一尺七分蓋

徑七寸六分底徑五寸五分有銅熨人二尺二

分首刻饗餐形首下有穿以插斗柄跗正
和三年二月廿三日中尙方造銅熨人熨斗重

四斤十二兩第百六案古以太和紀年者一

爲曹魏明帝一爲元魏孝文帝皆有三年唯元

魏鑄太和五銖錢其文作太此文爲大且字近

漢隸定爲曹魏時物嘉禾沈西雒觀察所藏

大和三年二月造銅斗銅人尙完好重卅四斤十二兩

博古圖中亦無考或言此是古斗軍中用之勝瓦缶

寶鐵齋詩錄

百單

或言商紂最暴虐以烈火爲炮烙嗟哉議論何紛紛

典籍傳聞易失真沈侯博雅尤嗜古審定熨斗兼熨人

訂證頗將土花拂款識一行未磨滅隸楷似出仲將手

魏明帝宮館寶器皆韋仲將書見太平廣記尙方工比元成物是時西蜀方

用兵斜谷左右連軍營江東孫郎亦稱帝三分割據誰

能平洛中太極殿方起八坊清歌日盈耳博士承恩造

作精南車特仿西京美明帝令博士馬均製指南車知書女子同昭

儀破服羅綺爭新奇想見深宮夜裁剪細意熨貼無偏

私轉眼山川著災異涌石翼圖見天意弩機銅鼓敵謀

深不惜金錢鑄奇器承露仙人夜深哭漢魏興亡若轉
轂已將威柄授他人典午家兒應圖錄

趙烈女詩

烈女字淑英吳縣趙舍人文龍之女年九齡許
字同里吏部主事王仁照子叔基越十年叔基
歿女聞之自經救解得生日待父母側後三年
父公車歸母病愈乘間服溲死時道光十五年
閏六月十八日也請於 朝得旌如例舍人索

同人詠歌以彰其貞烈

寶鐵齋詩錄

臺

往昔著昏義一偶不再辱頽波蕩坤維過行宜急錄烈
女出天水孝行本前躅少習經史文時取節義讀生而
願有家禮聘得名族天何忽降凶未嫁夫不祿蹈義素
講習臨難無反覆人靜時飲泣從此謝膏沐投繯得救
解矢志不轉轂已傷鸞破鏡詎忍鶯遷谷兩言足千古
生爲王氏人死爲王氏鬼烈女自誓如此 祈死一何速父歸母病瘥兒願亦
已足一杯冰雪心服溲甘就木高風聳羣聽奇事駭衆
目或云子糾亡君臣分未屬傷哉召忽死曷若夷吾獄
在家不爲婦理必籌之熟揆厥從父義匹夫自講讀乎

嗟世風靡雄冠或雌伏咸謂厲叔愚孰恥長樂福烈女
非輕生惟死得所欲捐此千金軀完爾連城玉 聖世
隆節孝坊表遍村曲茲以死全貞猶宜勵頽俗骨比金
石堅名並日星煜綽楔荷殊榮永曜吳山麓

題薛素素畫蘭

盤馬春遊時挾彈掃眉餘墨譜離騷月嬌蕭灑橫波媚
邠及靈芸意氣豪

瘦影娉婷墨未乾誰知空谷衆香殘楚江一片秋如許
留與騷人冷眼看

寶鐵齋詩錄

皇

舊院荒蕪蔓草深暮鴉啼處夕陽沈而今賴有桃花紙
省識春風幽豔心

沈寶研先生采蔕圖爲毛叔美明經題

義門萃雅士大小咸著錄羣材若連茹一沈推高足傳
經綴微論著饌如筍束塵埋未刊行後進無由讀

詩文
集無

刊
本
丹黃雜行楷勘本積囊篋後嗣嗟零替書估充販醫
妮古收遺編論交披短牘

子齋有先生手批妮
古錄致先祖小札

幸獲蓄

詞翰惜未窺面目何期尚友齋示我暖玉軸涉江采芙蓉
扁舟載秋馥同時素心人題贈紛滿幅師誼兩世敦

風規一心服

叔美父祖受業寶研秋田門下

寶之等琳琅時時得私淑

飲水當思源樹人勝種木辦香久益虔可以勵薄俗

題清風萬里圖送李石梧制府之任滇黔

秋色一帆起清風萬里過蒼山迎馬首吳苑聽驪歌靜

鎮資安石防邊仗伏波吏民懷德政臨別感恩多

滇黔巖險地保障籍西平棠蔭三吳遠霜威六詔清畫

中離緒結天外使星明霖雨重來日行看竹馬迎

絳雲樓印爲沈西雍觀察題

莊荒折盡河東柳樓燼猶傳小印文脂粉一痕留旖旎

寶鐵齋詩錄

臺

圖書萬卷散煙雲長塘舊物供人玩柴碎新詩憶我聞

好與博山同作伴摩挲親檢妙香薰

絳雲樓薰爐在滬上徐紫珊處

題張巽齋公子藏研廬圖

昔聞坡公語兩手兩研持藏之貴有用他好真愚癡清

河有才彥早負龍鸞姿官齋習詩禮家庭自相師浮榮

不挂眼者好惟搜奇三椽築精舍石友陳烏皮鳳珠及

龍尾紫雲間紅絲摩挲端溪雲彷彿姑射肌一一加平

品繪圖題詠之揮豪得家法筆陣縱橫馳香光傳一燈

正法實在茲長史東吳精逸氣留墨池君爲名父子才

力追前規矧當壯盛年雲路振羽儀摩空待作賦翔步
登天墀

拈花寺禮梁大同無量壽佛造像

麻衣風雪葬慈親重到靈山感夙因三笑荒涼成一歎
笑堂傾頽已甚戒顯和尙題孤峯
隔塵世一衲老寒暄句尙存屏間
寒暄誰話六朝春
一像分明兩紀元願陳先後斷雲根蕭梁人物今誰在
石佛無言歷劫存

渺茫泉路理難知造象功緣仗佛慈人世誰能無量壽
報恩須及在生時

寶鐵齋詩錄

葛

青芝山訪墓圖爲王研農題

吾吳有逸民忠孝節兩著埋骨逾百年山深不知處後
賢慕前修旦暮若可遇乍新澗上祠復訪青芝墓披榛
植片碣培土種芳樹寒香影橫斜夜月魂來去揚清激
頽波慕義感行路遙睇深塢雲間思縱子步願約拜墳
壇先題畫中句

丙舍課耕圖爲陸蕢鄉題

鄭柳田爲陸古愚作黃
小松分書其端今歸蕢

鄉

不致歸異姓一物有前緣古勁傳分隸蕭疎寫墓田得

逢書畫契還勝子孫賢歷下流風在難忘把臂年

鄭柳田濟

南老畫師也僕在山左猶及見之

石湖歸棹

石湖歸未晚一棹泛淪漣草色暗連樹水光明接天越城消古跡范墅閉春煙唯有楞伽影依依送客船

過貞豐閱棠巢詩社諸作賦呈滄霞兄索和

地僻幽栖狎釣徒海棠巢迥遠塵蕪攪環結珮聯鄉曲
泛宅浮家盡畫圖各有高懷吟水月從來奇士託菰蘆
少年叢裏靈光老鬪健詞壇過壯夫

寶鐵齋詩錄

臺

題潘順之太史畫冊

奉硯隨阿翁得文兼得筆蹶然顧之喜親授耕耨術

林齋

研捧

閒寫脊令頌常吟棣萼詩塢中花似錦人靜奏墳麓

花塢

吟聯

年年展墓田手捧冢上土一棹湖東歸思親淚如雨

湖泉

省墓

小院愔愔夜琴樽互唱酬剪鐙啣韻事春月勝於秋

春院

剪鐙

秋氣明一峯玉山淨如洗長吟東野詩萬籟生澗底

秋眺山玉

秋曉棲霞道白雲護擔簦松寮明滅處中有六朝僧

行山秋

李帆波楊子俯瞰魚龍宅酌泉得真源吾懷潘幼石

紀遊冷

七里粉黛場冷遊幾人識滿船載秋花移栽伴松色

花載秋舫

堤滿綠楊絲橋頭日影遲消魂人獨立高唱送春詞

送春隄

花氣結成海雪月無定形歸來添畫稿寫影上雲屏

探梅鄧尉

聯騎軟塵中東華朝日紅同朝踏曉鼓此樂勝坡公

聯騎東華

一帆通滌月雙照向南流指點家山近花橋水閣頭

歸帆滌水

客邸難爲別花前餞一樽暫時有離合留得舊巢痕

別話春明

別話

寶鐵齋詩鈔

翼

松堂懷祖德蘭室課兒經雛鳳翻然起淳音最耐聽

蘭室

直上日觀峯層雲盪胸臆放眼小天下霖雨遍八極

雲看

儀徵相國贈陳雲伯大令仿宋畫院團扇為葉調

生題

合懽留贈豔詞篇金粉叢殘欲化煙綠野相公方告老

碧城學士已遊仙團圓鏡影傳嬌女懷袖風流記昔年

賴有去塵勤拂拭段去塵米南宮婿也不教明月墮雲邊

寶鐵齋詩錄

彙

題老和尚畫象李模字子木吳縣人明巡按御史國變後為僧歿後即所居建堂祀

之稱老和尚從其志也

擊奸一疏震南臺晚入空門志可哀白馬禍成傷往事

紅羊劫換冷殘灰人同蘇晉耽禪悅心識汾陽有將才

謂識拔祖帥事遺象清高桑梓敬至今香火並西來

留養江北災民一萬五千餘口小浮有詩紀事次

韻酬之

早滌乘除理並參撫循到處德濡涵九重減漕憐江

左頻年緩征十之二三百萬捐金盡漢南兩湖六十萬江南八萬萬安徽二十萬蒿

目豈能秦越視同心賴有臂肩擔北書頻念來賓雁好
慰君家老學庵

夏導附

雲峯高處細尋參旭日當天水鏡涵莫使流亡聚西

北此有

空言民力盡東南向有山東試種稻田之議行之有效更盡力于他省

此為東南

涓涓不息將何底往往堪行莫肯擔畢竟

同心齊所願十行歡喜報船庵

詩至第六語得白雲札述新旨又發淮

揚賑銀八十餘萬聞之感泣亦見天人相感之理如是

題褚仙根茂才遺照

寶鐵齋詩錄

夏

昔遊歷下城逢君欣握手閒品躑突泉同賦明湖柳賓

主皆賢豪

時在吳學使幕中校文

論文兼頌酒一卷海岱吟珠玉

傳衆口意外忽分攜南還臥隴畝泊余引疾歸閉戶堅

素守薄俗少眞意直諒誰肯受惟君敦古權譚裁別可

否十日不相見一札遣下走清言得未曾疑義相與剖

刃訂金石文博雅過歐九相期淡榮利此樂定可久遂

良髻未皤恆幹得天厚如何新宮銘召賦不容後玉華

萬卷書高閣富二酉待君任警校應夢事非偶

君嘗夢登王華

閣校書

平生志貞絜鄉里推孝友窮愁困章逢富貴讓屠

狗黃鐘不用世誰能辨妍醜吾無以爲質獨謠擊瓦缶
思君見遺容清氣集林藪悟風蕉雨間吟聲如在牖崔
悽有佳兒黔婁賴賢婦遺文速付梓盛名當不朽

題南園舊蹟圖

南園舊平泉結構自文肅歸田日偃仰名輩時信宿撫
茲化鶴梅題詠積卷軸百年厯浩劫漸改舊林麓盛衰
亦何常世事若轉轂前脩闢清規後輩寓私淑流風幸
未泯往跡不遠復釀金還舊觀牽蘿補茆屋秋社互唱
酬和氣駭花竹地以名德貴茆堂勝金谷十老流清芬
三賢並芳躅瞻拜懷古人高山如在目新圖點染成佳
詠雲龍逐何時許縱遊薜林挹餘馥

白蕩展墓

眼前誰是亢宗才祖德清芬仗後培一事世家猶不易
前朝坟墓子孫來

顧南雅通政畫蘭爲功甫題

石如飛白葉如籀想見揮豪寄遠時臨頓幽居閒讀畫
閉門日日譜笙詩

不見東吳顧虎頭尙留清氣在滄洲禮蘭沅芷思公子

一度春來一度愁

次和陶鳧翁途中之作卽送之江右藩伯任

蔗境嘗來味不窮詩名竹嘯後先同君恩屢被浮雲外
臣節堅持破浪中冀北關山騰老驥江南煙水送飛鴻

惘言野望鄉心切

王文恪吳文定有野望惘言唱和詩爲吳中水災作也

暫向家

門繫短篷

二老風流興各酣

謂琴涵觀察

得奈末座自懷慚金荃細把

新詞詠玉塵頻將舊話譚故里重來尋巷陌前程此去

又東南建牙轉瞬高無極欲賦廬山愧不堪

寶鐵齋詩錄

畢

附

極目滔滔未有窮片帆飛渡景還同舟行破屋顏垣

上秋在殘荷敗葦中風急有時占退鷁澤寬無地避

哀鴻零星禾黍斜陽外晚眺何心獨掩篷

新漲連空綠意酣撫時還抱素餐慚鈞衡計盡籌軍

寶潞水憂深著客譚眞見浮雲銷極北偏憐愁霧滿

江南阻風中酒平生慣滋味重嘗老尙堪

婁東張晴沙先生意釣圖遺像用沈文啓韻

有營必求得舉世無不然孰是持空鈎靜坐磐石間臨

流了無羨不動安如山潛躍任自適物外全其天
機遇海叟一笑持竿還

功甫以粳米裹糲食餓者名曰豐年玉作詩見示

次答

胸中具仁術別有活人方妙出經綸手能充藜藿腸蒸
砂成爛熟泥玉辨溫涼遠勝子桑子徒供半日糧

毛氏清華園圖爲翠庭明題

展卷難忘觴詠時故家喬木繫人思東山點染東陽記

合浦珠還好護持

謝林村繪圖沈文懋
作記毛氏失而復得

寶鐵齋詩錄

臺

尙友齋中證舊聞上津橋畔訪斜曛園林欲記吳中勝

作手難逢竹嘯文

擬輯吳中名園爲一書
而題詠可採者甚少

林文忠尺牘詩翰爲吳清如農部題

歐蘇矢直節盤錯別利器王貢敦素交芝蘭同臭味鳴

盛先文章後雕酌經濟平生歲寒期出處互砥礪豪素

留人間感篤生死誼卓哉林大夫活國垂風義百折志

不磨大材世難棄詔起清河湟金城千里寄公私辨明

哲國事皆民事三輔鞏皇圖羣黎甦涸敝移節鎮滇南

揚武忘勞勩未祀碧雞神先拔蜚弧幟六詔懾恩威南

人無反意功成歸報政林下初衣試百粵又用兵
新君切簡在東山臥再起南陽躬盡瘁霖雨方來蘇大星
忽遙墜 九重爲勳容賜諡勞宸製文忠兩字榮答
勛振儕輩延陵感夙好嘆逝發長喟篋衍檢遺翰蕙歎
泚清淚蜀道昔持衡秦郊荷傾蓋良會不可期尺素邊
郵寄奄忽成古人勿譏愁獨寐裝潢附篇什蒼翠藏清
秘淋漓鬼神護彪炳日星麗臨風讀徘徊一珠珍一字
次和鄒鐵樵大合同遊五松園之作

名聞歷四朝遂擅吾土美逶迤入曲巷疎曠忘近市峯
寶鐵齋詩錄

臺

峯各異態蒼翠撲窗几洞壑相鈎連巧匠不能理入山
何必深幽僻稱居止維則古道場彷彿舊壇址當年手
種松想見攜鴉嘴惜哉歷塵劫枯影臥池水有客感舊
蹤聚散渺難紀勝景豈久留清游忍負此作詩迫亡述
結交念終始

題李映珊綠英詩舍圖

仙李才名世共誇禦兒溪上住煙霞百篇斗酒尋常事
伴侶難逢萼綠華

無言作序松圓畫

孫贊華作序
程序伯作圖

引我閒情願結隣他日

到門聞鶴語花時來訪臥雲人

送仲子湘明經之邗上兼懷吳平齋司馬

載酒江河興未闌送君南浦笛聲殘書生漫作詩籌計
月地重尋結珮歡孔奮脂膏身莫潤桓寬鹽鐵論尤難
登高曾與吳均約爲報秋風附羽翰

題五同會圖後

五同會者常熟李公諱傑字世賢成化一年丙
戌羅倫榜進士官至禮部尙書贈太子太保諡
文安長洲吳公諱寬字元博成化八年壬辰狀

寶鐵齋詩鈔

臺

元官至禮部尙書贈太子太保諡文定吳縣王
公諱鏊字濟之成化十一年乙未謝遷榜進士
官至少傅太子太傅戶部尙書武英殿大學士
贈太傅諡文恪吳江吳公諱洪字禹疇王文恪
同榜進士官至南京刑部尙書贈太子少保長
洲陳公諱璠字玉汝成化十四年戊戌曾彥榜
進士官至南京左副都御史此五公者同時同
鄉同朝同志同道在都門常作五同會司寇以
越人丁君綵善繪事命爲五圖各藏一軸近收

得一卷係王氏舊物也

五賢名德一時同想見前朝治盛隆出處丰裁關國是
二三耆舊重江東地逢京洛聯吟社數合睢陽繼古風
妙畫通靈歸敝篋幸留文獻在吳中

咸豐元年初秋偕陳子鶴尙書彭雲墀都轉梁
吉甫司馬會飲菽圃池上口占二律卽題王二

癡所繪菽圃圖後

東萊有遺搆名輩幾經過臺榭百年在雲煙一卷多邱
南記興廢汪鈍翁作
前後兩記池北屢吟哦漁洋山人有
菽圃雜詠勝地堪

寶鐵齋詩錄

壽

逃暑城隅卽澗阿

萬柄荷花裏人宜把一卮狂辭河朔醉奇愛漢陂詩翠
吟秋生夕紅香月上時談深風露下欲去故遲遲

題張廣文鴻卓

填詞圖小影

張號篠峯華亭人
今攝元和學官

張翰黃花早擅名華亭一鶴獨游行格高不入紅蓮隊
井水長流樂府聲

品畫談詩得未聞七泉仙館幸逢君長留吳苑吟紅藥
真向橫山唱白雲

昔藉杯盤不厭空講堂清範繼文翁暫拋藕社栽桃李

換羽移宮學解中

題金吟香刺史花溪圖

然松去後愛蓮居城北猶傳舊草廬勝地又為名輩占
一溪花影半床書

小試弦歌擬宓琴楚湘遺韻寄情深暫尋芳草添詩卷
中有離騷屈宋心

莫戀東山壯志消部民猶聽去思謠溪雲未可輕舒卷
好與人間作慶霄

題徐氏三賢傳後
工部侍郎忠仁公仲子孝貞先生中立公猶子都督同知仲發

寶鐵齋詩錄

公

臺

浩氣常留尺五天吳民百萬感生全孤兒伏闕沈冤雪
猶子攀髯大節堅世祀三仁崇故里昭忠千古奏神乾
誦芬家法興廉孝報國官箴永付傳
賢裔介甫明經新舉制科
得吳橘生觀察粵東書有詩見懷次韻柬荅

南望常懷桂樹柯尺書天末感人多軍符旁午資神筆
學力深醇嘖外魔近喜章江迎畫艫
新奉江右糧儲之命遠期灘

水靖雕戈春風轉漕經吳地朗月重來照澗阿

題汪小珊觀察六橋煙雨圖

人生只合住杭州不定陰晴任客留四面雲山歸畫稿
六橋煙雨送吟舟祝君常作王文度君歸田不出侍奉閒居笑我
難爲許遠遊願約米家虹月舫再來湖上共尋秋

題徐五傳東嶗草堂圖

西園盛雅集至今圖畫留中無坡谷輩安得傳千秋東
嶗有逸士棲隱山之幽少文樂圖史仲若開林邱高樓
踞層湖一望煙雲收留賓釀旨酒先後來名流數符竹
谿逸主客集與金蘭儔元時徐良夫著金蘭集詩丹青雜投贈詞翰
紛唱酬尺幅草堂圖虹氣貫斗牛春時阻風雨未與羣

寶鐵齋詩錄

真

公遊前期失覆鹿後約尋盟鷗

以湖菹餉小浮山人詩來索和

拂袖歸來豈爲菹采蘭長侍白頭人無端忽灑臯魚泣
寸草傷心不見春

分嘗薄少太湖菹此味能知有幾人莫笑相門蕭寂甚

解囊已作萬家春山人去年助賑獨厚

黃同叔在小浮齋中得嘗菹羹和韻見示漫酬一

絕

降曲分嘗雉尾菹一甌欲動兩詩人碧鮮玉潤君能品

嗚呼何如雙井春

題江表未伏敵堂詩集

孟縣摩圍誰可匹獨盤硬語五丁開天心月窟勞搜索

不捨人間隻字來

東方三大已攬勝南天二果復飽嘗君家彩筆用無盡

奇絕江山歸錦囊

雨窗遲尺五兄不至卽次寄示道懷詩韻

連朝盼望片帆輕離緒無端對雨生夢裏笑譚三月隔

眼前花柳一時明半龕地靜容酣蜨蝶龕吾兄弟聯床之所斗酒

寶鐵齋詩錄

毫

人多待聽鶯落落素心思會面看雲況是弟兄情曹愷堂悅

玉生孫逸泉頻來問訊

覺海寺明侍郎公讀書處也敬用先大夫集中

韻

前朝留古寺步履趁晴初桂樹團雲窟老桂大數圍相傳元代時植

茶花照佛廬到來懷祖德想見讀奇書珍重傳家集非

徊舊日居雲東拾草載有覺海詩

倪濂舫觀察重脩魏文靖公墓詩以紀之

歸然古冢金盆塢七百年來蔓草滋特立豐碑逢使者

力扶正學佐清時表忠會護陽山壠慕義重新澗上祠
盛舉頻容叅末議後先美政繫人思
桂丹盟觀察清理陽山徐文靖墓文
東川方伯重修澗上徐
高上祠崇皆與其役

寶鐵齋詩錄

夏



東川方伯重修澗上徐
高上祠崇皆與其役
盛舉頻容叅末議後先美政繫人思
桂丹盟觀察清理陽山徐文靖墓文
力扶正學佐清時表忠會護陽山壠慕義重新澗上祠

寶鐵齋詩續錄

元和韓崇元芝氏著

潘孝婦詩為令子麀生茂才作

貞松百尺高下有慈孝竹喬柯殞寒霜秋節凋殘綠夫
死婦有姑姑死婦誰屬有母先姑亡有身痛難贖高堂
侍已久泉路歸同躡生死隨姑旁此志堅如玉孝子念
慈暉追記耳所熟長齋一瓣虔夜綫孤燈續遺徽渺難
追涕淚不忍讀蘋藻千秋馨寒樽薦芳醪

余秋室學士山水畫卷為袁絮齋題袁為學士婿

寶鐵齋詩續錄

余也

一代文宗藝苑師偶然戲墨仿迂癡煙江疊嶂名流筆
衰草微雲快壻詞冰玉當時聯屐影湖山今日感人思
寒家畫筵珍如璧懷袖深藏庾嶺枝學士贈先大夫梅
花便面至今藏弄

酬孫月坡贈句

時艱人盡避任鉅力難支一念君恩重常懷國士知

時曹良甫給諫疏稱崇
素有聲望聞之愧悚

長江馳賊艦直北動王師海上

應乘勝迴戈莫再遲

湯雨生都督殉難金陵詩以哭之即次絕筆詩韻

盜賊猖狂日純臣致命秋雖無寸土寄肯作一身謀氣
與龍蟠壯尸憑馬革收成仁見三代祖父皆殉鳳山之難報國復

何尤

兩世通門誼論交四十秋祭遵多逸興曲逆擅奇謀止
水真同潔遺文慘不收忠魂應殺賊指日殄崑尤

和滄霞五兄癸丑守歲元韻

莫道填籬兩地分詩筒來往見情文老年兄弟猶餘季
弟於諸兄弟中最少避俗煙霞讓與君冰雪黍稌占有歲青紅兒
女各成羣近來亦得模稜法不道雌黃遠世紛

寶鐵齋詩續錄

二

題戚子固觀察齋菜根圖小影

食淡齋菜根乃是豪傑事袞袞聲利場幾人知此味公
昔仕王畿到處布德意弱植賴扶麻強宗笑拔薤政餘
偶學圃行菜明素志繪圖徵咏歌琴鶴同位置循良屢
報最小試干將利夙具經緯才應任蕃宣寄豸節臨江
東大府倚指臂祝公行卽眞恩膏遍吳地蔓草當速除
嘉禾幸培植非種鉏勿留連茹拔同類欲使枝葉長端
賴本根庇黎民菜色深慈惠望公賜

石湖雜興

春深原野濃於繡雨後山林靜帶煙一棹石湖如畫裏
惠崇粉本米家船

掠波乍見紅襟燕盤嶼爭看翠角鷹翹首楞伽山上寺
一樓雲外記曾登

山紅澗碧清游處濃李天桃細雨中春日田園多逸興
閒吟吾憶順陽公

吳宮遺事幾沉吟芳草隨人步履尋村女如雲踏青去
海潮菴裏拜觀音

題陸岱生印譜

寶鐵齋詩續錄

三

刻印非小技源從六書出蒼雅羅胸中庶工方寸鐵前
賢工一藝窮老盡氣力君今方盛年正如初出日造詣
已不凡並世誰可匹娟秀見丰采縱橫寓法律轉此不
退輪傳世自可必文何何足云當入漢人室

題潘功甫舍人遺照

斯人不可作風俗賴君清白鶴與同化寒花猶自榮文
詞歸有道鄉里感真情令子能承志持竿不釣名

題沈玉生小象

本是前身沈侍郎暫辭碧落下翱翔待看鑪火功成後

一粒金丹救一方

劉綱眷屬皆仙侶許掾全家盡上昇劍氣花光渾不動
道人心地冷于冰

雲笈珠函細討尋山林原有濟時心丹成莫便騎鯨去

留伴緱山和玉琴

謂王佛雲大令

眾盈前百態生看花霧裏欠分明春風一笑吾先醉
凡骨何緣到上清

題潘東園小影

蘆碕荻渚響蕭蕭靜寄扁舟一望遙白鷺潛來了無迹

寶鐵齋詩續錄

四

要同公子鬪風標

赤壁前游侍老坡登臨風月共吟哦年來忽抱臬魚痛
江水縈迴淚更多

尺五兄以詩來訂入城之約次韻酬答

訂游佳句勝尤蕭慰我離羣意便消錦市銅街秋爛漫
待來攜手坐茶寮

轉眼橙黃橘綠時重陽將近要催詩別來積句思傾倒
不怕旁人笑詭癡

潘伯寅翰讀屬題高麗人鄭謙齋山水幅

明光繭紙猩毛筆，潑墨真看海氣浮。姓氏復初曾見錄，遠來不負憤溝婁。

相門才子重文詞，尺幅搜羅到海湄。敝篋尚存先世蹟，皇華酬唱使臣詩。

先侍郎敬堂公奉使高麗時與館伴使唱和著有皇華酬唱集

張書城學博教子讀書圖

教授傳家名父子，手栽桃李盡成陰。平生交誼思張范，曠世譚經有向歆。墓木霜寒新種樹，講堂風動舊鳴琴。文孫努力承先志，好慰孀幃夜課心。

題潘功甫江山風月圖遺冊

寶鐵齋詩續錄

五

杜門老居士，乘興縱遐探。氣得江山助，人懷星斗南。謂林文朗吟過彭蠡舊夢記船菴風月原無盡詩心子細參

題潘星齋侍郎山水冊

邱壑胸中妙剪裁，南池晝靜集仙才。蓬山自有真形在，不拾人間粉本來。

戴公妙手推前輩，石友同心證畫禪。卻笑倪黃太枯寂，不曾放眼大羅天。

題楊簡侯方伯恩澤留遺圖

武功既著耀文德，坐論朝堂盡厥職。一方蒼玉出深宮，

天子非常賜顏色尙書憂樂與民共眾中獨立如鸞
鳳當時入侍用此研諫草屢成墨花凍命工琢石更摹
仿一樣堅凝竟成兩雨館風簾子細評花晨月夕同相
賞庚蟀頻更歲華換舊硯猶存失新硯到處搜羅費苦
心天涯流轉何曾見豈知寶物最通靈入手爭看喜氣
生分明舊劍欣重聚何幸明珠竟合并文孫捧硯念手
澤簪笏傳家矢清白埽盡妖氛仗大藩臣面冰霜心鐵
石

次吳橘生廉訪元日克復滬城韻

寶鐵齋詩續錄

六

春滿熙臺壯士登椒觴爭獻量應增鷹眸四射搜叢莽
蛾影羣飛赴夜燈已見軍威如破竹更求吏道盡歸繩
牙冠高詠銀河句淨洗兵戈擬少陵

梅花索笑傍簷巡喜報紅旗逐曉塵鐵甲城頭呼半夜
鐃歌筆力挽千鈞在師吉協無聲戰來復歡迎有腳春
聞道閒園同聽凱畫圖題詠待詞人

平太守擬繪閒園
聽凱圖以誌喜

齊梅麓太守蒲團石像送至焦山令嗣玉溪索詩

先生曾現宰官身了卻公家結淨因一個蒲團超色相
千潭明月印精神同龕彌勒參莖草繞座雲濤擁爛銀

如此名山容位置常留眉宇照江春

二月五日率吳氏外孫及符兒稔孫訪覺公於通
濟菴時圍梅半謝口占一律

不見支公已二年相逢童冠盡欣然幽棲地僻疑塵外
內外孫多在目前春暖春寒難定候梅開梅落到來緣
齋廚莫怪難留客聞道江鄉屢斷煙

賊匪近掠高資村
鎮數百里無人煙

題楊簡侯方伯玉堂種竹圖

染翰有餘閒呼僮種修竹培植代天工
枝枝上霄綠不須瘦石扶直節遠塵俗好風送天籟清
露洗寒玉階前

寶鐵齋詩續錄

七

集筍班樹人如樹木東南美竹箭新陰遍藩服

題潘星齋少宰退直侍書圖

退直有餘閒亦復游於藝握管誨諄諄或疑所習細卽
此是問學昔賢有深意華宗萃簪纓恆慮奢侈易藉此
束身心浮華盡屏棄子敬動勝父謬論足駭世庾郎厭
家雞令人笑乾慧能具忠孝心庶革魏晉弊過庭授詩
禮啟發原不異繪圖守遺訓韋平後先繼

次平越峰太守九日登高韻

使君眞嬰鑠餘事興尤豪已頌萬家佛頻題九日飴霜

清飽嘉穉雷厲滅貪饕快奏三城捷風馳閭闔高

題朱伯韓觀察琦怡志堂詩集

折檻餘風實壯哉詩人猛士一身該力陳賈誼憂時疏
心識汾陽大將才謂識拔張提軍當代鏡歌揚武烈故鄉羽扇
逐塵埃如公幾輩參朝右氣運何愁不挽回

題周春溪遺照

先生家世濂溪後道貌豐腴骨相清片石孤雲情淡宕
三頁六草筆縱橫松篁自寫高人操碑版長留藝苑名
綠滿廬中珍手澤墨華堆案抵瓊英

寶鐵齋詩續錄

八

潘星齋侍郎以洞庭春色酒見餉詩以報之

雙尊抵百朋來自五湖濱色借黃甘麗名同白墮珍平
分醉鄉味許作飲和人戶小瓶難罄消寒直到春

同人集一松一石廬小飲卽送何子貞學使赴杭

次星齋少宰韻

偶從潭水吟松石又向孤山訪鶴梅一曲清歌留不住

是日老伶王月歌寄扇一曲試燈風裏載詩回

相逢盡是列仙臚畫筆何妨合作圖約子貞歸時同人合寫蘭竹各

有聯吟好兄弟不愁孤影落江湖

潘紱庭封翁以詩見示次韻柬寄

衡門馳歲月天路渺星辰際此艱虞日常懷老大臣謂文

恭公蓼莪知永慕道義許相親報國兒曹事傳經有替

人

鳳巢

入室惟聞舊荀香山樵去後境荒涼謂吳巢松侍講乳泉一滴

嘗真味暫洗人間酒肉腸

不聞鳥語况人跡晏坐齋堂靜不譁寂寞空林春爛漫

滿山開遍杜鵑花

寶鐵齋詩續錄

九

楞嚴壇

古殿多年付祝融草堂何處問遺蹤古草堂額為尤西堂檢討書已付六

丁花開破屋頽牆下佛臥蛛絲塵網中白髮老尼談往

事紅襟雙燕剪春風盛衰亦是尋常事不見樓臺積翠

重

鳳巢

茆篷

一徑入山寺泉聲繞澗寒撫松思舊跡劖筍當朝餐雨

霽巒添翠春歸花盡闌重來如隔世卅載過風湍

翁子窮經地猶存七尺臺半巖飛法雨泉名片石積寒苔

斯世苦爭戰深山斷往來願攜書萬卷長對佛燈開

丙辰歲暮見外孫吳清卿近作有斐然之思詩以

志喜

置身高與古人期世態紛紜志不移收斂才華歸性命

飽嘗冰雪吐雄奇年強似爾原難量日暮憐余強自支

眼見他時成宅相提攜先望到吾兒

兒子廷符從游玉之於成有厚望焉

題吳平齋秋齋賞古圖

平齋得阮氏積古齋齊侯壘師西敦二器繪圖徵咏

古人不可見古器今猶存置之几席閒如結三代鄰滄

桑幾更變丹翠呈鮮新兩美萃積古流轉歸鑒眞蘭室

寶鐵齋詩續錄

十

平齋藏稷序最夥以二蘭名其室

欣有伴不惜揮千緡秋齋靜無事響

拓日幾巡按圖更稽考作記鑄貞珉祕寶欣得所護持

定有神何時共摩挲願作圖中人

哭吳婿補堂

人生骨肉親緣盡理必散其如恩義深死別增悲歎吾

婿壯盛年秉性嗜文翰諸兒督課嚴得暇輒伏案口講

兼指畫經訓如穿貫理學辨陸朱注解溯唐漢不以浮

榮期先從實學斷三子善承志一一具楨幹方冀視成

立何意失途半病魔困三月藥石投輒亂哀哉魯陽戈

竟難挽日旰老母未終養弱息啼幃畔匹如鬱鬱松忽
經雷雨斷千尺梧桐枝摧爲勞薪爨幸汝昆季賢家務
力籌算諸郎勤問學三珠樹粲粲此去判世緣定可登
彼岸吾衰已華顛後事賴汝贊豈料反哭汝此理實漫
漉哭汝淚亦枯惟增兩眼暗

壺園賞娑羅花和楊簡侯方伯韻

六街漸少賣花聲小隊尋芳逸興生松石別開塵境外
嘯歌同就紙窗明枝分瓦屋香來遠人向銀雲聚處行
騎馬山公歸去晚習池風景在江城

寶鐵齋詩續錄

十一

題江韻泉夫人俞友仙女士畫冊

梁孟相莊結古懽一家風雅話團欒蘆簾紙閣無塵事
日費龍香墨一丸

外孫今作君家婿得見璇閨墨妙來能畫能文一枝筆

分教兒女各清才

令子文梓有聲鬢序女文棣
傳畫學今適外孫吳大根

和沈玉生喜雪詩韻

雨已愆期雪又遲東南杼柚苦難支但祈臘月連三白
更盼春膏被一時江上烽煙何日淨民間疾痛幾人知
廟堂交儆天心轉直道何愁遇灸眉

雨後山塘秋泛

雲光收宿雨塔影破秋煙小舸乘流下波搖水底天倚
闌呼鶴語隔霧認花妍酒罷添離思含情各黯然

時潘
絳庭

將北
上

題李聽雨茂才武林紀遊遺詩

勝華通子今誰恤昌谷惟留一卷詩吸盡西湖好風月

吟魂長傍水仙祠

題劉泖生莎廳課經圖

綠莎廳宇淨纖塵吏散從容問字頻易過光陰燈火味

寶鐵齋詩續錄

十一

追摹圖畫露霜晨釣蓬歸老無餘業書庫傳家有替人
五色鳳毛今已長及時鳴盛報君親

壽山先壟旁築室三椽顏曰小盤谷屬外孫吳清

卿寫圖口占二十八字書於幀首

世上龍蛇爭劫運山中猿鶴養長年叢殘書卷三椽屋

願向城西守墓田

一孫于城西見
墓田丙舍帖

平越峰太守約同人詣一松一石居觀娑羅花有

詩紀游次韻和之

同心訪潭水不必問桃花別有華嚴種來從佛子家樣

分優鉢小香並曼陀誇四座容清嘯何如越石筓

榜書懸舊館光映赤城花詩繼七賢詠是日賓主七人筵開二

陸家羣芳應續譜香國漫爭誇對此宜禪悅同趺定裏

跡

題張翼伯大令悼亡姬李氏詩後

京兆眉痕付夢思月圓猶記定情時朝雲易散珠光在
夜帳重來珮影遲絡秀有兒應報答安仁作誄想容儀
此生賢孝堪垂世不獨鍼神歎絕奇

題金耿庵先生自書詩稿冊次潘星齋少宰韻

寶鐵齋詩續錄

十三

閒房指點雙林里剩稿叢殘供佛龕幾度冬花復春草

春草閒房詩集刻於康熙年間兩人雪北與香南冊中有題遺珠滄海

誰窮索破屋空山記昔探結社尙留眞面在詩魂應戀

舊吟庵先生與鄭桐庵及先高祖貞文公結社廣生庵寫三友圖小影

雪後束覺阿山中

長鬚來報竹枝折昨夜雪深一尺餘如此春寒花信杳

訂游不見山中書

外祖韓履卿先生早歲以詩名道光之季願印叟太

守爲鏤版行世嗣有所作隨時踵刊咸豐癸丑被

詔治團練於鄉軍書旁午焦勞憂思吟事遂輟間有
誦贈之作非所厝意不復哀集表兄吳京卿大澂與
鳴鑾輩從旁撮錄久之成帙庚申以後詩孫舅氏奉
持遺稿甚力雖轉輾播遷百物蕩盡而是帙獨無恙
今出以示鳴鑾屬爲編次都其詩六十二首亟付剞
劂坊諸前錄之後舊版有漫漶殘闕者修補完整一
併印行於是距公之歿二十年矣回憶童時隨先母
侍公左右奉手受教邈如隔世校讀數過不知涕之
何從也光緒七年閏七月外孫汪鳴鑾謹跋

寶鐵齋詩續錄跋

